

四庫全書

集部

欽定四庫全書

御製詩三集卷八十

古今體一百三十二首

己丑四

無逸齋

有山弗貴高有水惟取澹問

安茲退憩寧緣恣遊攬書齋謝藻績敦樸仰

前範傳餐既以罷章奏因披覽勅政勵無逸恭已遵

克儉

承露軒

義畫依然相相存松風落落靜琴尊百年安樂黔黎輩
孰不深承

膏露恩

就松室

築室稱就松松亦如相就盈庭挺質古罨牖鋪陰秀
宜風籟入遙想月華漏何當坐清夜靜味禪關透

出

暢春園由隄上至泉宗廟

萬泉自建泉宗廟每以詢

安趣便臨設教由來貴

神道溪田灌注利資深

一道長隄幾曲灣紅桃綠柳鏡光間
插秧未到興犁候
問景今朝好是閒

祠旁頗復有亭臺到處泉源淙石隄
却喜春光似江國
花情樹態照無埃

集遠堂

假山雖無數尋高因高結宇堪縱望近則水田遠西山
遠猶如近近益暢集之豈必在於衆聚少成衆得佳狀
即景已然何況人曾聞蜀有名丞相

愛景庭

暢春曾不踰十里為便

慈遊結構幽就

養無方稱愛景韶光有脚正迎眸煙從綠柳陰中淡泉

向紅花開處流比及再來應閱月參觀新剎刺波疇

曙觀樓

棟宇憑牆外四鄰望不遮樹陰猶未密花意正方嘉曉
露溪勝重輕煙野野斜因思著作白海曙出雲霞

自隄上至聖化寺

一逕穿桃柳兩傍盡水田農功雖未起春色已如然栢
樹叅今歲蓮宮近百年萬民霑

聖化詎祇奉金仙

含淳堂

尚有溪南勝書堂
枕碧流桃緋烘旭重
柳綫踈波柔即
景會心澹願名思義
悠含淳關治理

聖意照千秋

襟嵐書屋

書屋悠然嵐作襟
一年饒是幾迴臨
案頭恰有文皇集
泉石却殊娛我心

得真齋

平地為假山歲久假不歸引泉為清池春來池水肥有
鵝亦有魚上下含天機藉曰得真否欲言忘是非

矚巖樓

巖抱溪樓樓矚巖層層翠影疊松杉迴如澹若清暉映
得句因之亦不凡

詠周雲雷宅

盥器似羹魁姬家禮樂陪連方共簠簋得侶廁樽壘世
閱今還古象含雲復雷天宗如用禱致雨定時哉

郭詡琴客歎扉即用其韻

流水高山自有媒
琴囊端為客來開
苑檐原是無門戶
誰惜鞦韆踏破苔

沈德潛奏呈近稿並進紀恩詩仍用舊韻荅之

吳中雋老冠當今
時喜南風送好音
望百依然不廢詠

體三仍復有呈吟

所呈詩
文詞稿

仙誠可致初非藥
道以為腴

那藉復壯上便教如夙約
合從溫旨慰予心

德潛前年
進摺云從

此心安體健將及百齡
值六十萬壽

聖母八十萬
壽定當入都恭祝
近念其期順將屆
不欲以重尋夙約

北上為勦曾命軍機大臣傳諭錢陳羣前期就近慰
留用示優眷茲因進稿奏至今即隨賜詩繕封却寄

庭莎

庭莎逐漸長上聲秀木嘉蔭蓋如茵綠已縈言詩素後繪
依稀瀟溪窓不然康成帶

池藻

池藻波底潛冰開梳鏡匳水陸託根殊一般生意恬雖
免鶴跡印而惹魚口噉

細雨

二月晦日

連朝雲作勢傍晚雨霏聲其霈猶懸望如霑真利耕入
宵響漸細欲寐耿難成了識時方早從來盼澤情

雨中西直門外

一夜廉纖曉雲綿還宮恰值藉田前石衢廿里憑輿度
縱目濛濛暗濕煙

郊村野墅晨炊重去聲綠柳紅桃宿潤含迎面雨絲吹薄

冷恍疑露冕邁江南

秋麥菁蔥將二寸連阡春麥始生芽老農町畔披蓑立

共爾惟應手額加

雨中演耕作

耕藉演習成例禮舉之況寓重農理今朝適值雨霰零
近臣告我漸泥滓耕亦豈須頻演習意謂躬行或可止
笑而謂之非汝知當耕遇雨正所喜譬彼胼手塗足人
蓑笠扶犁寧避此

憩春耦齋作

豐澤昔園名春耦今齋額學圃與學校總庶民生戚春

耦復斯時繼彼勞阡陌豈其三四推華屋便憩息成詠
即自訟徒教粘素壁

虛白室

新正一至仲春旋過隙流陰迅已遷笑我吟哦信何謂
室中虛白祇如然

植秀軒

假山上構軒高下植脩竹穿迳坐以憑蔚然秀滿目春
固竹之秋所欣逢雨足破煙挺蕭蕭貫珠垂簌簌君子

擬三閭彈冠正新沐

補桐書屋口號

舊桐補作老桐看
新補桐纔高出欄
閱世閱人恒若此
陸機賦語感無端

題張宗蒼山水

不見宗蒼突十春
忽看名繪聳嶙峋
稀來古屋闕題句
恰似清風重晤人
堆卷案頭皆勝友
攜筇林下定天民
本緣素壁圖補空
去聲誰識今朝什襲珍

耕藉日祭

先農禮成述事

吉亥脩

農祀豆籩典奉常佐

天貽稼穡恭已籲倉箱既退衣裳換

祭用朝服耕藉用吉服遂耕

儀制詳前朝甘雨霈犁墾土生香

暮春御園泛舟之作

耕藉成儀返翠鑾

暢春先詣敬詢

安御園有暇蘭舟漾五日風光又改觀

媽紅姹紫暮之春岸影搖波織錦淪
恰喜韶光方駘宕已看花片點芳津

前朝甘雨潤如酥林籞花田濯淨都
面面欲看圍麗景坦然六棹泛中湖

啓蹕幸盤山因成是什

三載田盤繾別情偷閒聊此命旃旌

萱闈必告期旋日蘭埭初登喜曉晴遍野麥針含露潤
夾衢柳綫罨煙輕可知按轡時停處遊豫端因為省耕

過清河

麥露閃朝暉石橋駕若飛幾回驅馬度無不塵民依鷗
鷺情都野菰蒲葉漸肥截流灌溪町歸壑水猶微

清河為御

園尾閘玉泉昆明湖萬泉莊之水皆層遞節蓄以供
引溉水田一入清河則流入潞河不能資其灌田矣

至湯泉行宮作

計里一由旬

梵經四十里為一由旬御園至此四十里

行宮此駐輪未來六

閱歲相值暮之春感沸溫泉湧芳菲花木新坐宣地方
吏民務細咨詢

戲詠鶴

溪園綴景育雙鶴松下忽聞清唳長比儼似殊立仗馬
一鳴翻得飽官糧

麥色

麥色今年好近滕復遠阡迷離艷曉露凡蔚縟春煙已
是甘膏被仍希優澤連農苗莫知碩我亦與之然

順義縣行宮作

向遠郊墟廓當春景物融
柳圍牆外綠花放砌前紅
惟樸堪娛意亦安足憩躬
無過資一宿豈是法卑宮

偶題

或坐輕輿或策馬行宮到
早祇閒居却思經畧滇南去

日日疾馳二百餘

大學士傳恒命往雲南經畧軍務自二月廿一日啓程晝夜兼馳不稍頓

宿廿五日即出直隸境計日行二百三四十里每傳諭令其畧宜休息而傳恒不憚勤勞深切繼念

曉陰

破曉登程又吐雲
幕宇時逢陰
終是好設雨
益當佳遙望
藏山色平鋪
遍麥芳
既欣既盼
處何以置吾懷

盤龍山行宮即景

柳色綠濃處
行宮知不遙
常來民意孰
欲到馬嘶驕
已是生春水
因之過石橋
芸齋書滿架
似與故人招

詠庭中松

龍鱗未作蓋
形成翠蔭堂
庭滿院清坐
對一時生靜
解盤山山色
遮前旌

細雨

三月初九日

濃陰鋪竟月細雨落春宵響聽滴庭樹潤欣滋隴苗不
眠真是可有念亦因遙征緬官軍發能無豕蹠謠

雨中過太嶺

宵雨連纖曉漸止既止復見大雲起策馬峻挺度崇岡
煙絲霧片紛翻委作泥漸石頗何妨拂帽霑衣實所喜
過嶺田盤境斯到村民種杏鋪谷隩花時一望白茫茫
雨裏如啼復如笑董奉仙林正若斯鄧尉香雪難相傲

至盤山靜寄山莊作

濃雲淫雨嶺巔披下嶺輕陰勒雨絲問愁昨宵三寸被
果然綠野大田滋無來白足何相迎去聲有喜黔頭許共
知松色泉聲依舊靜山莊靜寄祇如斯

當春花事正如然為託山莊特淨娟暫佳此來期五日
迴思鄉別又三年所慙德業何曾進祇覺吟情未盡蠲
勝處却宜食蓄好不妨林壑且藏煙

延春堂對雨

三月初十日

駐輦雨聲餘
油雲近遠屯
望山藏牖色
聽溜落簷喧
濯羣芳態平
添瀑水源延
春真是喜與
物沐

天恩

韻松軒口號

韻松恒是聽
風籟獨喜今
朝泛雨濤
弘景清音鮮
愷澤

士元應占一
籌萬

蘇東坡次韻王滁州詩斯人何似似春雨謂王士元也

滌文榭

石山艱致水
致水岵成池
背峙峯窰畫
面拖波漾漪
中

和氣渾抱飛躍趣均宜
文旨於何會
片花恰落枝

心鏡齋

書齋臨水稱心鏡
悟得心明鏡始明
而我瞿然因有懼
鑑之不易是人情

留雲室

盤中多巨石磊磊復種種
等閒不肯移為忌
雲根動架屋貯一拳
渾淪而鬱鬱
翁留石即留雲
哥趣發心孔今朝
聽飛去作雨霈春隴

雨景六首

雨山

近山微露遠山藏
咫尺林嵐若渺茫
欲捲珠簾偏復惜
已看墨戲展襄陽

雨瀑

萬澗增流齊赴壑
落崖減汨響勻勻
摩醯知數渾無術
難辨泉聲襍雨聲

雨松

豎灑斜飛狀不同連岡落落復童童
太沖白裹知消息濯足振衣定此翁

雨花

脆白嫣紅爭濯枝續高縵下各為
姿海棠獨與羣芳傲占得玉環出沐時

雨鹿

山中有鹿與為遊未逮長鳴聽細
鹿於八九月乃大鳴餘時呦呦作細

聲詩呦呦鹿鳴似欠精辨設使相方摩詰
柴空林積雨亦風流

雨雀

春雨農田優霈多田盤正值詠卷阿啾啾簷雀如鳴喜
豈是無端怨紆那

靜夜吟再疊舊作韻

寥寥入夜深坐聽惜分陰閣報遲聞漏簷聲朗奏琴一
齋真是靜萬籟總收音念到東郊渥良農同此心

曉晴

膏雨既霑足曉晴良復宜密雲歸絕頂暖日晃平陂何

幸今春遇無違十日期欣餘繼以懼惟有寸心知

養虛齋

巖齋雖不高亦須攀躋上怪石林立間足底沅泉瀦竭
憩木榻樸隙地大於掌下視百里遙煙泮春暉朗乃悟
方寸中自可含萬象生白若有言此虛寧藉養

婉孌草堂

寥寂通曲廊委宛藏草堂草堂何所有佳畫懸香光名
實既相副今昔渾欲忘松色古無改泉聲清其常攬鏡

偶一顧微覺鬢點霜

題董其昌婉孌草堂圖

董家圖挂田家壁

是處即以婉孌草堂名之

間去歲一來晤古人何

必草堂嫵寂寞煙雲泉石日相親

對瀑

得於目為視得於耳為聽對之兩具足色聲香至清擬
擬挂崖水安知此閒評萬古洗不盡惟是人之情

題崔彥輔溪山煙靄

山靄溪煙暗遠空田盤今日景真同設非挂壁交相證
安識筆端有化工

雲林石室

春煙收宇淨流水出山爭詩境同山老心源似水清雲
林堪屨步石室寂怡情忽睹前巡句泐崖苔欲生

戲題雨花室

維摩偶爾示無談再舉雲光已不堪

金陵雨花臺相傳
梁僧雲光講經處

何事居然名此室前三三豈後三三

對山亭

四柱萬峯青縱橫合否冥化工無盡藏亭帚讓斯亭

中峯

中峯如警句秀拔獨超羣却笑磨崖者難為副此文

貯清書屋

為貯此峯石因成滿屋清萬年留古色一片吐雲英綠
字尋疑見黃鍾擊應聲灑然值幾暇摘句寄閒情

讀書樓

堯峯嶽嶽氣濛濛
繪以松蒼與杏紅
粉本問誰能肖得
春山曾見有王蒙

交翠榭

松柏不改色
楓杉有待時
時維暮之春
新葉爭發枝嫩
綠與濃青交翠
相離披
堯榭祇空空
瓶景納無遺
榭固弗能言
寫出復藉誰

遊天成寺作

春郊雨後喜
晨晴偷暇
名山跋馬行
怪石常迎面
前豎

浮雲忽向脚根橫到來月相原如是靜處塵心那更生
松色泉聲誰所置了知物物總天成

萬松寺三首

搖剗初從極狹入半山頓覺豁壺天蒼松軼軋無涯際
合與金仙作福田

鳥鳴翁蔚觀無形馬陟嶂嶠步每停三載重來消片刻
風旛何用更丁寧

橫撐直挺碧峯重細籟雄濤翠鬣濃應是依空住寶界

故教無萬護天龍

西甘澗

萬松仰霄漢四刻始言陟既循原逕降速不消兩刻進
難退斯易萬理率可識歸路復度嶺嶺西笠菴仄甘澗
乃其名枕漱付禪德過門更不入點到由他測

東甘澗

一嶺中分西與東流泉瀉澗味甘同喫茶雖不趙州學
樓上權披松下風

千尺雪

唐皇瞭甲石茲名千尺雪結構肖吳中池館殊清絕以
近苑墻門遊山歸每歇開窓俯澄冷坐席弄砒汙竹鑪
來必試一甌甘且潔舊題如昨日不信三年別

題唐寅品茶圖

草堂事茗是何人瀟灑衣巾古淡神祇有解元知此意
謂宜泉上結良賓

半天樓

肩輿登崇岡數步一停憩豈以已逸安而忘人勞勩窄
窄厯幾盤山樓亦云至颯與顚氣俱曠無林木蔽下視
薊野綠雨足恰新霽騁望今日佳所喜宜農計

效深室

因迴既成高據祕復效深石硯堆為屏松籟聽作琴林
葉亦漸張去聲窓影含陰森於焉託靜愒悠然獲我心

降嶺

有陟必有降萬事理固然竒徑盤石林高樓辭半天磊

砌不可窮岫嶮時或穿十步五步憩既憩仍復前就平
原大快得易恒於艱

冷然閣

岬嶠小平處翼然有虛榭玲瓏菁蔥蔚古松出石罅八
音聽繁會捲嶺天風下禦寇仙若斯宋玉諷豈藉

王蒙東山草堂圖

雲外飛泉松下風草堂瀟瀟落寫王蒙東山良友知誰是

見王蒙
識語

安石蒼生望可同

對月

春月對宜山夏月對宜水於山何處宜宜莫過於此萬
嶺歛夕煙一輪明漢溪平聲幾望光為吉過雨淨如洗巖
齋欣邂逅澄觀契無始

曉

曉窓靄靄漸生明便起披衣旦氣清庭雀似矜無二地
村雞纔唱第三聲花如沐處露偏重樹欲舞時風與輕
境若田盤佳若此却因勤政少閒情

閱本

使駭齊來章奏多貼黃進止酌如何宸殷俊籲彙征吉

敢忘

去聲

民艱道畜

和管子畜之以道則民和

無逸念茲欽勅命耽

閒遑此樂卷阿畿南屢報雪優澤誠畏誠欣志不磨

芟樹

芟樹宜秋冬春生固當止邂逅來斯時執一難論矣喬
柳枝鬱蔥稚松在其底雨潤與日暄柳占松徒企喬柳
勢自揚稚松氣常靡移松慮傷根匪愛實害已因而命

斧斤芟柳俾松起去邪興賢材或有類乎此

題清音齋

庭前雙翠栢作籟泛清音
颯爾偏宜聽悠然恰稱心
與松為應答較瀑更陰森
想共田盤時安知古復今

澹懷堂

羣峯青展障細草綠侵階
土軟蚯蚓出春深鳥瑟諧
花疑是仙種石弗藉衙排
杭州鳳凰山有排衙石試看蒼山色那能

不澹懷

雨中貯清書屋

幾片浮雲又布陰
霏霏旋見雨絲斟
彈來瑟瑟那須手
散作珠璣頓滿林
石側時花偏湊潤
松間笑柳遂霑霖
斯皆餘事為娛樂
念到農田慰倍深

再題交翠榭

老松古栢翠其常
澗葉巖枝色亦揚
都識赴時蒼春令
更欣沐雨蔚煙光
濃青祇待朝還暮
淡墨奚稱倪與黃
虛榭今朝趣殊勝
珠簾雖下景無藏

雨中山行二首

千峯雨霽復雲淒，却喜沙坡不作泥。
濯綠潄紅全勝畫，拂林增瀑總堪題。

前日優霑今日繼，春膏似此得曾無。
農夫圃老直樂彼，盱食宵衣益勵吾。

携和親王遊山作

雨後春山恰好登，牽來御馬與同乘。
卅年前興爾應憶，七字立成我尚能。
莫負韶光繪如許，試看霜鬢點俱增。

偶然屨步休誇健

近寺或步陟王稱健步能濟勝

許掾風流底足稱

古中盤

下盤勝以水中盤勝以石上盤勝以松松可一望得水
則日枕漱石暢今遊奕天臨一綫寬地容一騎策磅礴
簷萬仞寥窈窕羣白憑空訝若墜無根忽相搃如斯硯
礪間精藍託幽窄疑在衆蓮上更有青蓮覲龍象護雲
霞苾芻守寥寂坐我槃阿舍片刻於焉息吟成復自笑
濟勝非語默

少林寺

昨日半天樓上見今日古中盤裏迴過而弗入似踈懶
別室况復清絕埃閣黎公案落熟句白石青松御駕來
來則不無荅則有頗貽松石笑汝哉

望雲罩寺未至

春雲歛盡紫煙凝空宇遙瞻最上層結念屬霄勝全攬
不須策馬更重登

定光塔影迴凌虛便是金剛演六如何必登峯當造極

大都興欲有留餘

盤谷寺詠韓愈李愿盤谷事

李愿隱盤谷乃在洛之陽泉甘而土肥此地實擅長假借舉其事向每見詩章然吾有所疑田疇古於唐其時即名盤寧藉韓續鄉太行天下脊此豈非太行燕川則

燕矣方口田盤方

李愿所居之盤谷志乘屬之河南濟源縣蓋因韓文太行之陽語向命蔣

溥等輯盤山志已詳辨之或又以昌黎送盤谷子詩更可為在洛陽之據考其詩有燕川方口注家謂皆盤谷附近地名按古封域盤山實在燕境而濟源乃晉地不當蒙燕川之稱且田盤舊曰四正以其形方若田故名

盤則方口又何不可相屬然茲山著名在漢以上固不必數典自唐而載籍淆訛既不能起昌黎而問之則亦無庸深較矣
何乃屬濟源難問昌黎詳

東竺菴

竺菴棲窪凹地濕有綠柳幽既弗致狹廊如而能受游
山所必至雙峯排戶牖千巖朗霽煙萬里無塵垢大士
坐如如不語獅子吼

雲淨寺

石逕縈紆不作泥夷峻處處有招提春山恰喜春雲淨

忍草禪枝總入題

再題千尺雪

滲淚奔波滙作池進門每與坐憑之遊山紛惹即景興
靜滌居然有待斯

再題半天樓

西嶂當緣上肩輿取路便堪窮千里目復就五言篇小
坐消半刻再來當隔年適纔跋馬處峻嶺暮春煙

得概軒口號

巖榭凌虛坐以憑
嶺雲高捲谷煙澄
今朝得概得何概
滿目春郊農務興

受宜居

架屋幽居祇兩楹
開窓綠野見新耕
今朝試問宜何事
宜是春山快雨晴

題鄒一桂杏花

春卿昔貌三菴枝
挂壁來賞花放時
不識江南春雨裏
可曾憶著屬車隨

再題心鏡齋

過雨坡池澄汀滢

二皆去聲
水澄也

印來雲白與山青因之悟

得鏡為用含照原於物未形

池上居

亦頻得恁山中趣未可忘斯池上居頗似三潭印月朗

高下為三池貯水蓋山勢
陡峻取平則一瀉無餘矣

依然一例受風舒縠紋漾處

文章在奩影開來圖畫如靜對片時別有會明因無障

照因虛

琴峽亭

那須斷木與絙絲開闢以來即若斯流水高山自成調
古於人世有牙期

南村

就低踈落有南村村舍風光畧可論高下隨時種黍稻
埭牢終歲育雞豚青山不斷為屏障白水恒流繞戶門
豈是尋常供綴景塵民生計箇中存

農樂軒

茅舍竹籬樸不華，引流種稻肖農家。
屏吟稼器數惟十，嘗題農器圖十事。
張御園多稼軒壁間并書其詩於屏，置此座。
驗田功念有加，信可怡情而悅目。
非關綠柳與紅花，雖然春雨逢嘉兆。
未敢先時望，即奢。

賦得河海不擇流

得虛字五言八韻
會試題

九曲經中國，四瀛載厚輿。
望洋雖莫及，納細亦云如。
不擇量誠大，就深德有餘。
寧惟滙伊洛，恒是沐居諸。
滴水入無涸，含天照相入。
聲於政應辨先後，體乃疊盈虛。
却容

珍自棄取言人可除濟川思致喻啓沃實殷予

過大嶺望雲罩塔作歌

前日過大嶺雲罩雲裏看弗見今日過大嶺雲罩峯頭
塔如綫箇中蓋復具深義定光

塔名

送我全體現既曰有

送何無迎是謂日面與月面萬山快霽生紫煙邇來頗
悉入吟篇策馬下嶺不廻顧淨域安得凡情牽

平谷道中作

背指岡巒谷就平煙郊靄靄暢新晴村民知我重農意

叱犢扶犁不輟耕

春日遲遲喜載陽
脫輕毳欲換綿裳
六朝來往於何異
麥隴綠深苗且長

老幼扶携出縣城
相親到處愛民情
圖其安樂無多巧
政簡還教官吏清

陰

已幸優膏渥
大田密雲又佈遠
山巔春陰似此向
稀遇
綠野庶幾澤更連
風柳那知偏厭聽
夜衾仍是不成眠

因之絜矩軍民輩望我恩心固合然

曉行

曉行期早到宿顏漫留連凡事豫則立中庸言實然新
苗鋪亘隴野水漲前川綠樹連村舍家家起爨煙

過順義縣城

行行過縣城陌柳颺煙輕白水橋為渡青郊塵不生藩
宣察吏治保障廣民情安樂真安樂

是縣古
名安樂

春田雨遍

耕

於行宮疊近作韻

午風申即止春暮氣惟融又見雲鋪白旋欣日隱紅
雨暘常塵念安逸豈圖躬所喜郵程近明趨

長樂宮

詠紫白丁香

一樹丁香開紫白亦稱朝彥亦山人辛夷若謂玉蘭別
謂此分身抑合身

迴蹕詣

暢春園問

皇太后安

廻蹕

萬安詢

暢春真暢春
砌莎茵帶潤
埭鵲錦爭新
境可供

由豫名還溯

體仁青郊甘澤霈
農樂敬披陳

御園暮春

旬日春園頽爾殊花花葉發株株韶光頰若敲石火
曦影迅於過隙駒二麥觀來真慶慰三時望去尚遙紆
薄雲作雨飛輕點澤豈辭多企繼濡

山東巡撫富明安奏報得雨

佳信朝披章奏馳春霖塵念衆胥知何當齊郡霑膏日

正是盤山對雨時

三月十七日披閱東撫奏章濟南等十府屬二月以來連得雨澤至三月

十一日省城又得透雨計其時日正雨中駐蹕盤山也

分寸較斯還覺渥農桑幸

彼或堪期

天恩近遠沐駢疊有器惟殷勵敬寅

詠漢玉盈尺璧

圻鄂為攏中粟紋土華隱現含浮筠肉好合度典瑞製
良玉不琢非所聞崑岡毓材走不脛還思韞石山輝映
一泓碧水點星芒懸之聲中去聲黃鍾磬尺璧非寶寸陰
競育哉興嗣語實正

尺璧非寶云云周興嗣千文中語也淳化閣帖首列
漢章帝書八十三字皆千文語非寶作非尚按興嗣

梁人始集散字作千文後漢時安得書此明顧從義
謂是錄書者集章草成千文以為章帝語誤矣今考
正閣帖以內府舊藏初搨重為摹刻悉訂王著之訛
附識於此

文徵明竹裏春深圖即用其韻

壁峽飛泉落澗流春園與物樂油油畧嫌密竹遮人眼
騁望還因上迴樓

哈薩克汗阿卜賚遣其子幹里蘇爾統來請安於

御園賜宴因成是什

未徵侍子入朝參却以輸誠疊遣男

右部哈薩克阿卜勒比斯遣子卓爾

齊於新正入覲令隨朝正外藩宴賚今左部阿卜賚之子亦至特命一例錫宴用均柔遠恩禮

不督因

之深感慕無私應與徧色含星鏞並奏春光暢金帛優
頒愷澤覃忽憶朱波方便化一為愜意一為慙

清晨細雨灑霏微開宴宮廬朗旭暉

張大幕於西園凡宴外域每用之以

順其俗尚也

已是澤霑惟霽好敢誇

天與及人歸戴恩永矢無他嚮式禮還嘉弗少違章服

榮頒剛稱體被教異部耀光輝

西直門外作

清曉春雲密佈陰甘霖霑復望生心世間固鮮知足者

況是時當

雩祭臨

二麥芄芄禾黍茁較量農景勝常年寧無慶慰寧無慮

謙輦惟殷勵惕乾

御製詩三集卷八十

欽定四庫全書

集部

御製詩三集卷八十一

詳校官侍郎

臣謝墉

助教

臣常循覆勘

總校官原任中允

臣王燕緒

校對官庶吉士

臣張九鐔

謄錄監生

臣陸肇修

欽定四庫全書

御製詩三集卷八十一

古今體一百四十二首

己丑五

四月朔日齋宮作

大齋必遷坐孟夏又辭春宮樹陰將密銅人時正陳明
衣惟此潔變食戒其辛屢見濃雲作希哉雨及辰

題和闐玉天馬

和闐壯巨玉相

去聲

體製求如

山海經求如之山滑水出馬其中多水馬水馬即天

馬也又翅搏空常翥蹏騰水若虛吉光誠特達綠色鎮
名海馬蜚舒見說能延喜端疑曾負書出軒稱上瑞歌漢陋華
譽值雪猶輕彼擲山益愧予

策頭寫幽蘭數叢以配張照舊蹟並成是什

唐畫張書不相稱

去聲 舊策頭一面為唐岱畫既弊
亦書畫弗相倫命易素紙幾暇寫幽

蘭廷標

金

來晚又亡之寫蘭略寓居蘭意却似翰筵對

面時

題張庭彥登瀛洲圖

大烹豐養出官庖
藩邸高材彙拔茅
可惜諸人熟經史
未知乾卦九初爻

詣齋宮疊已卯舊作韻

預日來齋因出城
年年抱蜀敬躬行
雨暘願彼四時順
乾惕攄斯一念誠

壁詩重讀十年過
昔日今時較若何

已卯自春入夏缺雨
常雩時望

澤甚殷曾於詣齋宮詩述意今年春膏優渥為北方所
罕觀麥秋可冀豐收泰田亦正當勃發讀壁間已卯舊
作慰以
為懼
春澤似茲真罕遇
懼心深比慰心多

謁

壇正值雨霏稀再霈顒顒望庶幾幸盡美期幸盡善不知足自不知非

雩祭禮成述事

籲

祭虔修見角亢陟

壇式禮肅趨蹌預辰慶值靈靈沐協氣蒸為沆瀣灑鬱鬱鬱鄉牛升煜雪雙雙蘭燭燦熒煌敢云春澤農祥兆益

疊

祈年敬不遑

悅心殿

南郊承祭罷北淀問

安旋

暢春園圓明園俱在都城之北俗名海淀而其中又自分南北

是處更衣慣輕輿

取路便露濃林似沐夏淺卉猶鮮攬景茲無暇心儀

愛日懸

河南巡撫阿思哈奏報得雨詩以誌事

齊東西報雨霑甘即為

去聲

繾懷河北南地遠因教信遲

到函開始覺慰誠堪所奇被澤日同一

阿思哈奏三月十一二三等日

通省均霑霑霽與畿輔得雨及山東撫臣前此奏報雨澤日期俱適相同尤為罕有

何幸渥田省

竟三

天貺頻叨恒自勵願勤實政戒虛談

敦素堂

階砌臨澄水虛明表裏如暎心無蒂芥寓目有鳶魚細
雨過松塢新波落竹渠依然是藻績後素實敦余

再題廓然大公八景

雙鶴齋

空教遼海憶丹梯
柳下雙行芳草萋
設向古人求伯仲
應緣賦粟愧夷齊

規月橋

跨水為橋如半壁
暎波却似月規圓
謝莊未足知全體
肚魄煩辭著賦篇

峭蒨居

峭如為性恒卓立舊以成文自異常設用皇山相比擬
應教下拜米襄陽

影山樓

樓已依山山映樓臨湖又似鏡中浮六如會一無餘欠
莫向語言文字求

披雲逕

一片如從龍井移瀟然時向銳尖披濕衣不識緣底事
徐悟伯高曾有詩

綺吟堂

書堂雖不亟臨憑偶坐吟懷必勃興口過四中居一事
戒斯實覺未之能

韻石淙

水別高低必就下導流疊石即成音誰知淅瀝閒淙處
竟有成連雲海心

啟秀亭

假山也自有峯尖四柱峯頭窄不嫌咫尺會心寧在遠

一花一本亦中

平聲拈

戲詠柳絮

及節應時物盡同
夏初柳絮自飛空
方綿不足裝衣用
擬雪曾無利麥功
落水似浮誰使泛
沾泥難起旋成融
雨霑多值輕盈日
笑爾顛狂技欲窮

柳絮遇雨少風多
必益甚今歲雨多

風少
故云

題漢玉穀壁

玉盤粟粒堆盈盈
瑑以雙螭圻墀擎
縠紋隱含填星精

漫言曾是出佳城何穀而非土所生

偶做鄭重達摩渡江並題以句

好風吹送大江橫世界三千莖葦輕若說一花開五葉

有人我壽者衆平生聲生

微雨

四月初四日

清曉佈濃陰徘徊望不禁煙絲方見纖簷溜旋去聲聞斟

其奈風來乍盡敲雨莫尋明知未致惜惜是我恒心

題鄒一桂寫生小冊

蜜蜂薔薇

裛露精神振風態半猶含萼半酣開不因香氣枝頭噴
那得蜜蜂作陣來

文魚水藻

色中平聲看肉弗中烹綠藻清波任意行材不材間得所

託濠梁別趣傲莊生

蛺蝶藍雀花

蝶是真飛雀是假真原翺動假原花一齊寫像畫圖裏

真假由來未大差

茨姑蜻蜓

飛來紅翅依白朶
照影偏宜入碧淪
張處士還杜工部
雙題合撰總傳神

遊魚落花

落英噉嘍悅遊鱗
那識無端減却春
設以桃花源相
擬此魚便是武陵人

入聲

蝴蝶金絲荷

同荷名却弗居水是蝶身猶不姓韓大海眼惟述滕作
花君子特異周觀

飛蛾如意草

亦名紫
花蒂丁

是草依然有紫花丁星牆角受風斜飛蛾錯認燈來撲

無礙傷生為

去聲籠上聲紗

錦荔支蚱蜢

化工造物何不有破瓠微蟲意具生小幅收來各神肖
底須叔向辨材呈

昆明湖雨泛

欲往香山數日居暢春敬

告出林間明湖順路因乘舫恰喜雲零正委如

幾日作陰雨間

去聲

零既欣既盼倚蘭舫較於往歲誠殊

勝惟益求佳益靡寧

琴絲漠漠舫行行不覺行惟聽棹聲大似孤山往靈隱
六橋側畔雨中情

玉泉山色霧中藏乍見停舟到苑牆登陸傳餐理章奏

輕輿遵路破煙光

玉泉山西

細雨落猶密
山程近不遙
吐齊薺麥穗
潤遍黍禾苗
陌樹歲為長
上聲煙絲風與飄
詩情及農況
觸目幸都饒

駐香山靜宜園即事

有泉有石有雲風
構置還稱入畫堪
一歲無過來一度
斯欣未覺抵斯慙
林知夏到陰初密
花為春辭意尚婪
細雨輕陰塵不作
山蹊屨步愜幽耽

樓雲樓

此處此樓古每來先必來吟予欣俯仰憩衆小徘徊溪
水暗已長

上聲

巖雲卒未開優霑真是好囑爾善樓哉

天池

細雨看不見入池原合流誰云據天半尚自仰峯頭淺
亦梳蒲藻寬非浴鷺鷥馳情到江左曾記有詩留

天池
石壁

為姑蘇十

六景之一

來青軒

穹林高下綠瓊堆迴閣虛窓此日開把筆欲吟別有會
濃青原自共人來

歡喜園

緣近清淨域名之歡喜園屋宇雖弗多靜趣頗可論礎
礪以為牆松栢以為門適自雨中來益覺潤心源歡喜
在農田而豈在風旂

超然堂

書堂據礪礪下企若半天數息始言到飄乎意欲仙今

朝值細雨雨止綠潤鮮仰眺戀峰雲俯瞰鋪谷煙靜室
最高處仍擬躋其巔

曠覽臺作歌

畫家傳六法留白為雲山斯高知其妙而不知所以妙
乃今得於雨後遊山之偶遭散露砢砢聚藏寥_音窳適

茲時也則有敞臺棲峻挺之巒窠欲曠覽乎千里又變
贗其忽交若隱若現既配藜之無定方悟造物孕萬有
而無不含包圖以吟詠揣摩者惟應罷去默筆索與牋

韜

碧峰館

濯枝湔葉聳重重到館開窓對碧峰似是青蓮擎佛手
分明有相示真宗

勝亭口號

山可終年不一遊一遊勝必合窮搜小亭默默領其要
許掾還輸有句留

靜室

入山真靜謐撫序正清和況是新雨過

去聲

滋增淨意多

雲林入圖畫野鳥勝笙歌似此最佳處一年纔一過

碧雲寺

韜光靈隱亦紆遠兩寺似他一寺分

白居易韜光詩兩寺由來一寺分茲

用其意

香山適纔遊白社越嶺便以至碧雲忍草禪枝恒

自在芝田花雨相氤氲坐我山房聊悅性豈從梵帙叅

聲聞

洗心亭

亭在波心心微波去年此際覺無何楣檐四面皆題句
却笑洗來心已多

試泉悅性山房

一牆之隔間入門覺幽致兩樹長春花紅覆半畝地竹
秋而弗秋泉試誠宜試樂比盃茗中偶寓煙霞意

題張宗蒼山水

山房宛在宗蒼畫筆意峰姿氣韻投欲問臨泉兩高士
起心分別此能不

晚晴

晚晴弦月露山裏倍淒清竹塋聲猶颯松窓影故橫巖
風涼不冷瀑水暗還明好雨欠優浹那無珍惜情

寶相寺

寶相輝真相規模肖五臺山園原密邇蘭逕試尋來師
利無言說花宮有實枚側傍精舍在便與少延陪

妙達軒口號

兩株銀杏千年古一所山軒三架清到此神心真妙達

不知孰佛孰衆

平生

香林室

別室既清便無妨棲片刻始從峭蒨入疑自畫圖得於
何覓色空直宜泯語默過雨衆林香寧藉優曇域

閱武

自葺實勝寺爰居健銳營鋪敦恒藉是開拓竟因成緬
甸何無賴王師斯有征重臣奉命討耆定貴先聲

題正凝堂

一片波當面堪稱止色凝山池弗易致雲氣以時興階
影涵空暎岸痕過雨增垂堂雖不坐對鏡若同激

融神精舍

精舍云何致不同鬱蔥山色四鄰通半間瀟落來雖偶
一晌希夷神與融

來芬閣

鑿池中種藕縵迴圍廊腰循廊可登閣因以來芬標荷
葉未出水荷花知尚遙無非得想像走筆當

去聲 解嘲

暢風樓

何必雌雄宋玉材書帷芸帙一時開披襟底覺心神暢
為是風從松入來

雲巖書屋

書屋倚雲巖超超迥不凡帶前溪漱艷峙背嶺漸崑拓
院蒼松留去聲安階怪石劖縹緗隨處有稽古一開函

夕雨

連朝雲屢作入夕雨初零亟問亟生望時霏時復停屋

中覺寒冷山外響雷霆乍鼓風威作傾聽心不寧

夜雨

四月初十日

風盛雨還盛欣疑有足乎四更止亦可五寸沃非誣簷
響如聞瀑未成擬速蒲飭農真幸彼勤政益欽吾

即事

暮春月初十盤山雨沛甘首夏月初十香山澤倍添其
間屢繼潤誠足農祥占而何一月期不爽優渥霑額手
慶修遇懼滿惟挈譙雖然有後慮去歲事可監春夏雨

亦好仲夏頓旱炎仍有祈雨舉往叩黑龍潭為民籌夙
夜終鮮舒眉尖

題致遠齋

致遠寧緣山水趣勅幾常切盱宵心撫時適慶甘霖足
咨政恒教清曉臨慮彼揣摩云事簡惕予遊豫恃年深
朱波萬里方縈念南望秋來報好音

韻琴軒

階基近平池有石踞其上流泉醺石巔入池合溶漾池

心更趵突翻花無定狀流泉聲亮清趵突聲沈壯必當
四音具而後一琴暢高軒之所會欲以詢師曠

晴

快雨初過喜快晴峰蓮淨植益晶明石邊泉出溜逾壯
松下風來涼暗生雲歛碧天無點翳花扶紅日有殊榮
已欣平蔚青郊色尚見驅犁趁潤耕

虛朗齋

碧紗燈籠琉璃瓶祇以內虛外斯朗南華生白有微言

却是反觀義無兩一芥十笏弗為窄三千大千亦非廣
階前曲注小溪流豈曰不足涵萬象

玉乳泉三首

竹徑逶迤竄入深山房枕石暗調琴翻為雅正五絃韻
映作空明一片心

應有驪龍水府潛碎珠噴閃旭光暹淙聲却比尋常壯
始悟昨宵山雨霑

此乳由來非乳酥天漿斟以道為腴陸家茶竈猶嫌汙

王肅何當詔酪奴

雨香館

松蹊竹徑盤盤陟山館平陵見舉頭生翠之間清馥遞
果然一雨衆香流

含清堂

森森喬木綠陰濃砵砢奇峰列幾重我豈軒輶能訪道
廣成亦冀此間逢

山望

日晃千峰生霽煙東南一抹絳霞天盤山山頂定光塔
簪影稜稜到目前

山陽一曲精廬

精廬山之陽三日始一至一因忙致稀一因多致累奚
足與言遊而復每存意峰姿廣擅奇水態此鍾粹至則
欲忘去樂寄智仁備偶讀去年詩原似昨日事

琢情之閣

面水背山閣兩層山嵐水靄挹浮蒸六情欲淨無可淨

那更還稱琢者能

懷風樓

有池近以澄有峯遠以圍一樓揖兩秀有風浹洽之吹
葉翻翠影拂波瀲明漪觸緒亦有言而非巧構思欲修
君子德還念小人依

淨涼亭

雨後山光蔚水光水心亭子接迴廊
竭來小立旋言去
淨矣微嫌拂面涼

得一書屋戲題

一者無去來而我居然至一者無彼此而我已我謂將
謂一即我我謂一成二况復云有得得者為何事書屋
默無語無語其義備

對瀑四首

雨中萬澗無非瀑晴裏方知瀑有殊偶對不生分別想
依然去歲此聲乎

銀龍劈峽落層隈勢甚離奇響甚迥如此難圖難詠狀

香山寺下引將來

湓流汾汭態何如古畫奇文或似諸丈室雅堪契靜賞
遙遙奚必憶匡廬

分明觀色色原淨道是聽聲聲不喧此合無言片時坐
拈毫何事又多言

題董邦達月淨松谿

月淨雲天松映水東坡別有會心時笑予更是無閒者
豈足高言邂逅斯

梅

有序

梅於北地不宜而香山上脈殊勝卉樹皆易植嘗以盆梅移種庭中今七年高可八尺許枝幹勁達其天自全初夏駐山館梅始著花踈蕊暗香故不減冰雪中標格而草樹扶踈時得此亭亭玉照更足為泉石之助夫孤山鄧尉非不繁且早而茲獨以後開見珍塵外一枝所成正復不少又何必較量遲早之間哉

盆梅棄可惜試種巖之隈山中氣候遲清和花始開
灑五出葩因緣值我來羞同桃李芳雅契泉石材一樹
不為少雪海何為哉白傅與林翁假借聊相陪

牡丹三首

休論淺紫與深紅土厚開看色不同却是山中遲氣候
竟携春色舞薰風

夏卉冬葩共放榮梅傍俛首獨含情似慙李白三章艷
未若林逋七字清

漫說姚家復魏家出羣香色兩清嘉
滿然泉石雅宜伴
那更人稱富貴花

賦得數息樹邊身

浪仙有佳句數息樹邊身却不關一已由來為衆人清
和雨初過幽篁景堪巡爰命輕輿進依然曲棧遵嘉陰
宜憩步颯籟足怡神其怨宣尼訓方思勞逸均

朝陽洞口號

迴巖深谷朝陽處樸斲三間靜且使雨後山風渾覺冷

片時向暖也宜然

再題靜室

五日駐山登兩度
亟來復亟慮
勞人知斯何若
齋中坐却為名山靜契神

玉華岫

降自最高處
仍如霄漢間
開襟宜憩坐
得意欲忘還
盆桂芳猶遠
庭松古耐攀
清供惟筆墨
趁此片時閒

臯塗精舍

皋塗豈即斯有桂可稱之借問世間物孰非名所貽長
空好雨過千里一窓披頗欲無言去其如景逼思

題李世倬畫

曾是皋塗命寫真林仍羅落嶺嶙峋獨憐盤礴為圖者
却已多年作古人

山花

繪巖勝綺組繡坂襍紅紫襲芳擬蕙蘭榮夏傲桃李舞
風縱無名過雨知有喜渥膏逮良苗餘波應及爾

山鳥

入夏林陰密飛棲山鳥多其鳴奚不平其音猶覺和雅
似和去聲吟咏竟可屏上聲笙歌雖曰自呼名那知名謂何

金蓮花

綠葉金英開夏首山中過雨倍精神佛葩雅合供平聲

佛玩中使瓶擎進

暢春

山行遇雨之作

曉起雲復生山行雨忽落溟濛暗林莽
雲霞濯磻磳風來寒略侵地迴泥未作
巖屋隔不遙隨處可惻託下視
未麥田信矣同農樂雖樂仍自問酬此當何若

題香巖室

雲脚已收雨樹頭猶墜露破濕尋山蹊
明當旋蹕去巖室發幽香不知來何處
四鄰蔚翠潤中有微風度

栖月崖

曾未山齋一清宿偶來寓興亦吟題
了知昨夜窓前見

正是當門崖外棲

香山迴蹕由昆明湖泛舟詣

暢春園問

安之作

五日山居還問

安明湖進舫敢盤桓雨過

平聲

萬壽山如沐祇當

去聲

鏡中

走馬看

潏沆波增漾畫橈香山迴望鬱岌堯西湖設使相比擬

天竺東來路較遙

四圍佳景會湖心
默賞由來勝陟臨
正喜煙光含翠潤
英英又復作輕陰

雨

四月十四日

傍午雲濃佈如煙
雨細傾積墀已有水
潤物信無聲
浙踈還密密容容暗復明

天恩稠疊霈益凜
奉盈情

詠扎卜扎雅木碗

異域多奇種

西藏物本草根
結成木見舊作

草根變木堅含英方畫巧

制器中

去聲

規圓盈尺本艱致辟邪有妙權合將贈回也

飲水樂高賢

題藏經紙扇

經背千年紙裁為團扇形有風非四大無說叶三靈梵
業恒薰白蓮文猶隱青犀牛露消息禪德特惺惺

御園雨泛

四月
望日

昨來午霽晚晴暹京兆晨稱二寸霑擬泛御湖新霽景

升雲又送雨連纖

天末遙看雨脚垂
煙絲頃刻面前披
斜飛豎注有餘態
塘柳池蒲無不滋

雨來樓閣若為藏
雨過衣襟生峭涼
大似行春橋那畔
石湖湖上進煙航

春雨軒即事

春雨今年好我適
駐田盤清和亦屢
霈邂逅茲臨軒砌
上積蹄涔檐風生
峭寒所慶在農圃
詎惟賞林園夏長

逮秋成其遙心敢寬

橫雲堂

假山艱致靄氤氲今日橫雲果是雲不異香山昨來景
愛看座底雨絲棼

養素書屋

山一伏一起河一迴一往尺蠖屈求伸虛室暗為朗萬
理盡如斯學固貴涵養養之莫若素華文心則放叶書
屋偶有會返已失又爽

虛明室口號

明而不虛為察察虛而不明亦空空讓他書室稱魚善
順應由來本大公

益思堂

園屋不彫除松窓卻綺疏尚華真厭彼敦樸實從予信
可消幾暇況因值雨餘問誰堪益思應莫過詩書

題和闐玉雲龍甕

方折良材毓如磨巧匠治千年露疑貯二月草先垂變

化難測矣憑依信有之昌黎著襍說精義可深思

題張宗蒼山水

白雲為脚碧山崇
叢樾之間曲徑通
仍有宗蒼未題畫
壁言如佳境卒難窮

偶興

閨節率由溫飽者
鄉賢多屬搢紳曾
口碑公道誠公否
欲挽頽風愧未能

驟雨

四月十七日

西山乍作雲倏忽天中佈礮礮引霹靂霞雨立時霽既
霑水積墀分寸難計數東南旋歸海皎日晴空露首夏
如季夏是景誠稀遇麥禾無不利慰餘祇滋懼

東園觀麥

適日雨實佳今朝晴更好麥苗既菁菁麥穗亦矯矯颺
風披離離微露灑晶晶十分縱未定八分固可保夫子
鄙學稼樊遲器量小園林有弄田藉以農功考五穀斯
其一其四期尚早無不冀有收冀收宵旰禱

書扇賜經略大學士傅恒

炎徼熾煩暑軍營區畫頻大端應悉記細務不辭親世上誰知我天邊別故人勗斯風到處揚武並揚仁

鶴

野鶴如家雞翅亦無須翦縱減賦之糧

見前放鶴詩

徘徊弗

去遠蒲藻與鯢鮪随分可供膳一年孕二卵所報固不

淺淵材失諸迂淮南相

去聲

已誕長歎記載家誰則公而

典

鷺

向月伏卵成入池引子浴有時負以背護惜情實篤
味與拊翅無不教之熟晝率水面遊夜守柵中宿弱羽
猶離褫相害防他族禽類有如斯嗟彼忘顧復

詠漢玉璜

半壁此球璜穆然內葆光考珎緬夏后建德賜周王
曾厠琚子瑀幾經滄復桑思元平子賦聲遠聽彌長

錢穀郭外茅堂即用其韻

水在堂前月在天
楞伽一卷閱青蓮
漫言城市原相近
心謝繁華境即仙

西直門外作

春榜臚傳因進宮
青郊歷歷閱田功
麥薶結穗黍禾茂
廿日景光致不同

農況今年實異常
都緣時雨復時暘
逮秋歷夏恒如此
方慰茲懷茲未遑

不獨郊畿幸時若
無知齊豫慶休徵
益謙損滿惟

天道滋切吾心日凜兢

養心殿即事

膏雨頻霑灑首夏誠清和日照弗炎騰風送致爽過彤

殿豈閒居魁卷閱如何

讀卷官以擬定殿試前列十卷進呈細為披閱原擬第一卷頌

語過多不及第二卷之切實因對易之其原擬第三卷意稍薄弱抑之第四而擢原擬之第八為第三就所見評隲先定甲乙然後折名引見此新定例也

藻績非所尚敷陳在所羅就此

獲者搜慮彼失者多籲俊期真材吾寧取揣摩

悅心殿

玉塔聳崔巍瓊島圍羅列浸映太液光精神堪澡雪冕

黻於馬換

御太和殿傳臚後至此更衣視事

竹素於馬設展卷恰虞書

知人云則哲惟帝其難之得賢心庶悅

自倚虹堂泛舟至樂善園

橋畔數間屋於斯可換舟長河夏水足兩岸樹陰稠既
進還既止溯洄非溯游治園逢樂善隔歲一探幽

題蘊真堂

喬木百年園乘舟遂造門無過因路便恰喜有堂存花

藥自成趣詩書靜可論意予真蘊處樂善是根源

含清齋

一所溪齋水四圍野橋隱隱駕波飛軒如畫乃生而動
境擬仙乎是也非稀到自因鮮餘暇每憑無不引清機
片時七字剛吟就隄畔蘭舟又促歸

長河進舟過萬壽寺不入

沿園背指放煙艫橋牖須臾至廣仁水異高低舟合換
便教前進不逡巡

紺宮窈窕枕長河不必停舟暮直過合掌閣黎門外候
試言佛法較如何

古樹龍愁幾百年綠波影似鏡中懸底須更問金繩路
一目居然望裏全

繡漪橋

河窄漪亦窄湖寬漪亦寬石橋界河湖自此披廣瀾風
靜瀾不作風狂瀾弗安既風而既細漪瀾方愜觀昆明
有往事織女機絲寒七襄豈其殊倚蓬一吟看

鳳凰墩

樓閣聳中央

去聲

風金鳳凰漪瀾倒虹彩楣枳上紈光

滌慮在雲水怡情有縹緗勤民緬神爵却異屢稱祥

按漢以宣帝為勤民之主爾時循吏為多獨其時屢稱鳳凰見為瑞吾所不取也

維舟鑑遠堂遂登陸至萬壽山

舟行既已久溪堂可即陸停橈步石隄軒窓憑寓目適自鑑中來茲向鑑中矚水態魚山光騁望無不足遊內

與遊外東坡識果獨

玉瀾堂即目

肩輿歷湖岸至復攬湖光勝以水周砌魚之山護堂浸
來雲疊疊鋪出玉茫茫踰月闕憑詠應教有句償

惠山園

小園學惠山山固非九龍結構既畢肖惠山想像中曠
憶無名初三十一大同有名彼此分事乃鮮至公南華
論齊物妙理誠幽通

瑩心堂

石上流泉座下披含虛朗可鑑鬚眉瑩心設不關實政
便是循名有底宜

清琴峽

減汨石泉聽作琴非從指上覓清音便教攫醪有時歇
太古希聲永照心

夜雨

四月廿六日

傍晚殊蒸熱遙天忽佈雲雷聲送雨至涼氣與宵分麥

穗粒資飽禾苗根潤勤傾聽簷響處敬意倍於欣

御製詩三集卷八十一